



**Inatsisartunut ilaasortamut**  
**Jørgen Rosbach**  
**Demokraatit**

30-07-2025  
Sags nr. 2025 - 15443  
Akt. id. 25599557

Postboks 260  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

**§ 37 naapertorlugu apeqqummut nr. 106-2025-mut pinerlussimanginnermik allagartamut tunngatillugu akissut**

Asasara Jørgen.

Qujanaq apeqqutinut. Apeqqutit ataasiakkaarlugit ataani allanneqarput, akissutaannik malitseqartillugit.

**1. Naalakkersuisut kisitsisaatiginerpaat, sulisitat nunanit allaneersut qassit maani nunatsinni sulinersut?**

- a. Taakkunannga qassit danskisut innuttaassuseqarpat?
- b. Taakkunannga qassit nunanit avannarlerneerpat?
- c. Qassit Europami nunaninngaanneersuuppat?
- d. Qassit nunani isumaqatigiissutit avataaninngaanneersuuppat?

Akissut: Naalakkersuisut Kalaallit Nunaanni sulisartut avataaneersut amerlassusaat pillugu kisitsisaateqarput.

- a) Qallunaat naalagaaffiannut innuttaasut 28.199-iupput
- b) Nunani avannarlerneersut 87-iupput
- c) Europami nunaneersut 194-iupput
- d) Nunani isumaqatigiissutit avataaneersut 947-iupput

**2. Piumasaqaatigineqartarpa, nunanit allanit sulisitat, Kalaallit Nunaannut suliarortinneqartut, nunagisaminni pillagaasimanginnermut allagartamik aammalu meeqqanik pinerliisimanginnermut allagartamik takutitsinissaat?**

- a. Piumasaqaataasoq eqimattanut ukununga atuuppa:
  - i. Danskisut innuttaassusillit?
  - ii. Nunanit avannarlerniit allaniit innuttaasut?
  - iii. EU-mi innuttanut?
  - iv. Nunani isumaqatigiissutit avataaninngaanneersunit innuttaasunut?

Akissut: Nunat tamat akornanni sulisussarsiornermut Akuunerulersitsinermullu aqutsisoqarfiup Isumaginninnermut, Suliffeqarnermut Nunamullu Namminermut Naalakkersuisoqarfik ilisimatippaa, sulisussanut avataaneersunut tunngatillugu suliaassanik suliarinnittarnerup ilaatut nunagisamiit qinnuteqartut



pinerlussimanginnermut allagartamik aamma/imaluunniit meeqqanik pinerliisimanginnermut allagartamik saqqummiussaqaqnissaat pillugu piumasaqaateqanngimmat.

Danskisut nunanilu avannarlerni innuttaasutut sulisussarsiornermut atatillugu sulisitsisut sulisunik nutaanik atorfinitsitsinerminni pinerlussimanginnermut allagartamik aamma meeqqanik pinerliisimanginnermut allagartamik qinnuiginnissinnaapput.

### **3. Pillagaasimanginnermut aammalu meeqqanik pinerliisimanginnermut allagartaq taman ut atuuppa imaluunniit suliffeqarfiit ilaannaanut atuutsinneqarpa?**

#### **a. Piumasaqaat suliffeqarfinnut aalajangersimasuinnarnut atuutsinneqarpat paaserusunnarpoq, suliffeqarfiit suut, pineqarnersut?**

Akissut: Sulisitsisut sulisut meeqqanik 15-it inorlugit ukiulinnik toqqaannartumik attaveqartartut pillugit meeqqanik pinerliisimanginnermik allagartamik pissarsinissamat pisussaaffeqarput. Tamanna sunngiffimmi ornittakkani timersoqatigiinnilu aqutsisunut, sungiusaasunut, ilitsersuisunut ikiortinullu assinganik atuuppoq. Assersuutigalugu meeqqanik pinerliisimanginnermik allagartamik inunnut tulluuttunut tunngasut pissarsiarineqassapput:

- Ilinniartitsisut
- Perorsaasut
- Ulluunerani paarsisartut
- Pedelit
- Sungiusaasut
- Timigissarnermik ilitsersuisut
- Naluttarfinni sulisut
- Peqqinnissaqarfimmi sulisut
- Uppeqatigiinni sulisut
- Atukkerinermik ikiortit

### **4. Oqartussaassut imaluunniit sulisitsisut, pillagaasimanginnermut aammalu meeqqanik pinerliisimanginnermut allagartat piniarnissaannut nakkutiginnissaannullu akisussaasuuppat sulinissamat- najugaqarallarnissamullu akuerineqarnissamik qinnuteqaateqarnermut atatillugu?**

Akissut:

Sulisitsisup atorfinnut aalajangersimasumut pinerlussimanginnermik allagartamik pissarsisoqassanersoq naliliiffigissallugu akisussaaffigaa aamma sulisussat avataaneersut naleqquttuunersut qulakkiissallugu, aamma nunagisamiit pinerlussimanginnermut allagartamik qinnuiginnineq ilanngullugu.

### **5. Sunik kinguneqartarpa, nunanit allaniit sulisitaq pillagaasimanginnermut aammalu meeqqanik pinerliisimanginnermut allagartamik takutitsinnaatinnagu? a. Assigiinngitsunik nalilersorneqartarpat pinerluuteqarsimanerup suussutaa apeqqutaatillugu?**

Akissut:

Sulisussaq avataaneersoq pinerlussimanginnermut allagartamik aamma meeqqanik pinerliisimanginnermut allagartamik takutitsinnaanngippat:

- **Atorfininnissaannik itigartinneqarsinnaapput,** pingaartumik meeqqanik eqimattanillu mianernartunik suliffinni.
- **Oqartussat pinerluuteqarnerup suussusaa sakkortussusaalu immikkoortillugit nalilersuisarput.**



- **Pinerluuteqarnerit immikkut ittumik sakkortussusillit** soorlu nakuusernerit atoqatigiinnikkullu pinerlunnerit tamatigoruinnangajak atorfinni aalajangersimasuni atorfinitsinneqaqqusaaneq ajorput.

#### **6. Naalakkersuisut oqaluuserisamut soqutiginaatilinnik allanik paasisutissiisinnaanerlutik?**

Akissut: Sulisussanik avataaneersunik sulisussarsiornermut tunngatillugu Naalakkersuisut tusarniaanermik illuatungiliuttut inissisimasarput, nunani allamiunut suliassaqarfik suli tiguneqanngimmat.

Inussiarnersumik inuulluaqqusillunga

Bentiarq Ottosen